

七

卯

寬

丙辰

土

己未

181
25
12

九

丁巳

十

戊午

文稿

二



平泉文稿卷之二

起寬政七乙卯止九年丁巳

大槻文庫

一枕亭尚齒會記

乙卯

紀家公救火事

談天解

送人遊富岳序

原誠

原敬

原思

刀銘二首

并序

丙辰

魯仲連論

與志村東舉先生性論書

送柳仲貞序

學舍記

高氏易七轉圖說考後論

未發之中聖庸不同

跋高氏易七轉圖考

說鵲

說鵲

讀公孫弘傳

讀太極圖說

閣齋年譜序

七夕詩卷序

題省文考

長柄橋板扁字記



寬保中 獅山公臨宿旋斯。予書一枕二大
字而賜祖考慈因以舍亭



語錄一枕亭尚齒會記九

一枕亭者 獅山公嘗臨宿之處也 臨宿此亭也

親書一枕二大字 家君前此舍尚齒之會於斯雖其

事為一時推褒賞餘澤而發實太平之勝事而有補

乎教化者也準幼及觀之既踰一紀而未有修辭而

記之者準過不自料追想作之記其記曰安永庚子春

三月有司奉 邦君旨諭家君且戒曰 公將以

秋初暇此郵例館教室汝其汛治庭宇以俟期至家

君拜受命有司先期來督其役易構與椽之折撓者

葺屋塲痛掃溉以候 公以七月往返共臨宿焉

家君及家兄。例俱賜謁。

公既還府。嘉家君有庸。

廷議賜策曰。汝某奉職不懈。覃思民事。惟農是勸。惟義是訓。風俗歸厚。維汝之績。今進汝班。其益陳力。撫養吾赤子。家君拜誓首受策。既退。屬子弟諭之曰。吾何功勞。蒙此顯賞。深以為懼。唯福之臻。不無所由。汝曹知之歟。子弟同然合辭曰。兒等見大人之居職。令脩於庭戶。而一縣肅然。孰謂無功。家君暨然不自安曰。不然。自祖先及吾之身。七世典是職。而民不知飢寒。抑今百有餘年者。雖由君德明而朝政修。而不謂謂無祖先勤勸之力。在於其間。又賴鄉之先父老有

所贊成。以至今日。而功德之報。適發於吾身而已爾。因慨然曰。嗚呼。欲歸之祖先。而祖先不在。欲歸之父老。而父老亦已亡矣。吾將如之何耶。既而犁然喜曰。吾得之。吾得之。吾追我暇日。欲招父老具酒饌。以罄一日歡。安如此。祖先與先父。必有嘉於冥漠之中矣。亦可以副獎勵之盛意也歟。乃取戶籍。選高年者。且卜二月朔。遍戒諸老。設宴於一枕之亭。家君家慈。別外內為主。擇鄉之嘗以孝蒙賞。資婦七人。為贊。又疾瘍與鍼之鑿五人。侍為其佗。養老之具。無不悉備焉。數期。家老欣。相帥而至。頂在肩者。膝及顙者。

隆然僂行。屣然把髯。黃髮秀眉。鯢齒台背。巾服不必
禮。惟適之從。弟子或扶。或負。累々乎其至。充溢門巷。
贊乃引老者。叙齒就坐。男女異坐。食禮既畢。酒醴在
右。敬核在左。禮儀笑語交錯其間。既而酒巡無算。深
淺自斟。主人不勸。客亦不辭。諸老既醉。或搏髀以歌。
焉。或執杯而舞焉。觀者以為神仙之會。父老皆極驩
而去。實天朋之二年也。於是算會人。丈夫九十七為
最高。九十以上者三人。八十以上者七十五人。婦人
九十六為最高。九十以上者三人。八十以上者六十
一人。唯其七十者。在我里中。則以恩舊故。獨得與。丈

夫二十三人。婦人八人。通計_{二百}七十有二人。其為年凡

一萬四千單二歲矣。夫尚齒之有會也。尚矣。今以磐

井西縣彈丸之地。而會集之盛。求之古。罕其比。則足

以見邦家愛養之有素矣。而此舉又以推恩而發焉。

則所以對揚邦君之休德。而成就祖先之詒謀。亦

絕世之盛事云。寬政七年乙卯夏四月初七日。男準

追記

矢無力可以及其居。乃為諸賜。屋材有司。氣不可曰。
無例。家公曰。城而無家。不可以為民。因以請。邦家乃
許。家公既得其請。天又為之。歸吏詰曰。既居。驛而無馬。

中書省臣等謹將前奉聖旨欽此欽遵在案竊照賑濟事宜關係民命至重前經臣等奉命督同各處官員分赴各屬查勘災情並將災民數目及被災田畝逐一查核開具冊籍呈請核奪在案茲據各處官員會同查勘災情並將災民數目及被災田畝逐一查核開具冊籍呈請核奪在案

紀家公救火事 乙卯

天明癸卯與大饑時家公為磐井西縣縣正屢出私財振恤邑民既而山目驛舍火延燒殆百戶矣家公行火所燬憫然曰民病矣乃舍為饗粥以食之又奮曰無繼民且斃濟眾得臯吾所不辭也於是謁官大發倉廩為粥以待遇火者民得賴以不餓而賣亦不至也既又家公為之謀曰不虞荐臻民罷病既已極矣無力可以及其居乃為請賜屋材有司執不可曰無例家公曰氓而無家不可以為民固以請邦家乃許家公既得其請矣又屬驛吏詔曰既居驛而無馬

不可以為驛為之奈何皆無以對於是家公鏡畫授吏行之其費不仰於公不出乎民而得馬數十匹驛至今賴此焉家公至是蒙賞賚者二家公嘗曰是吾職分耳吾慎無勞夫勞而不居是賞賜之所以臻歟

談天解

古之談天者不異于坐井窺天故其立說不過乎想像臆度耳後之談天者亦不異于坐井窺天故其立說不過乎牽強傳會耳最後西洋天學有傳來然後是二者其說皆廢古之談天者曰天圓而地方又曰洛陽天地之中後之談天者曰某星某之墟此全得于臆度傳會者而一國之私言耳非世界之公論也西洋天學者之言曰天地體圓無適非中蓋西洋之人航海以環地球以窺天體以故其說精且核矣固與夫未始窺天地之大而徒求諸臆度傳會

以立說者。大有間也。故地球之說出。而千古之惑廓如也。然有固執舊說者。曰。圓之方。德也。非形也。而其說不能脫乎形體矣。大戴禮以方圓為天地之言。故今以人徒謂方圓為德者。為固執。若其星墟姑借以況焉耳。固哉說也。使古之聖賢出乎地球。已有定論之後矣。則必先我得其說焉。決不在我後矣。而今之人。乃若此何耶。是徒知信古。而不得其道為者。故強解徒增紛耳。余真人談天有感。作談天解。

送人遊富岳序

乙卯

夫元氣之在天地之間也。流注不已。融而為湖海。凝而為山岳。而山岳之神秀富岳其斯歟。突然憑空而起。屹然亘萬古而不動。所蒸皆雲霓也。所生皆杞梓也。又其變化之不可測也。隱雷霆。起龍蛇。且失山雲扶寸而合。不崇朝而泥塗天下。富岳信靈矣哉。夫是以前人之述。不絕於常篇。或歌章焉而諷誦之。或圖像焉而撫玩之。世人之在富岳。昔者太史遷周遊四方。既探名山大川。還而裁之辭。滾滾乎出而不窮。如江河之流而不盡。翩翩乎文彩百出。不可把捉。猶岱喬岳之

朝雲暮霞。變幻百出。不可端_現也。而可傳於後世者。蓋文之與才。有深得于名山大川。而變化萬狀之妙。可遠傳者也。世之遊此山者。如此其不絕。而其才與文。有得于此。若彼_此其然者。吾未之聞也。抑有之而不聞耶。安有杞梓其材。雲霓其文。而不傳者耶。予之於富岳。前人之述_其讀之矣。歌章_既誦之矣。圖像_既玩之矣。獨至於雲霓變化。則未有之親見也。今吾子之於富岳。未探其勝。先杞梓其材。又雲霓其文。但吾所望於子者。獨變化而已。然若其變化萬狀之妙。非若史遷趾據其地而躬認之。則有不可得者。是予之所以有待

苟美堂

乎斯行。乃所以深望於吾子也

原誠乙卯

誠之為德大矣哉。天地之所以為天地曰誠而已耳。聖人之所以為聖人亦曰誠而已耳。是故天地不誠何有物。是以生天地之間者。天地大父母矣。是故人能以藐然之身具大德生焉。惟聖其秀者也。是故德即天德。業即天業。唯聖為至。其次為賢。又其次為士。士也賢也。晞聖而進者。其門奚自而入耶。其道無他。亦曰誠而已矣。故曰誠者天之道也。思誠者人之道也。然則思誠之道如何。夫擇善而精之。孳孳不已。以至於明乎善。固執而一之。孳孳不已。以至於誠乎身。是之

謂復聖。所謂由明誠者。蓋思誠之極。此聖惟肖。是天
地相似。是乃人道之極至也。

原敬 乙卯

夫敬者。人心自有之活法也。故易曰。敬以直內。古之
人。又有云。敬者。德之聚也。是故士之善居敬者。為賢
為聖。德由是隆焉。業由是廣焉。故非敬道無凝。誠無
立。奚能參天地而為三哉。夫堯舜禹湯文武周公孔
子。古之大聖人也。堯舜禹湯文武周公孔子。吐辭成
命。舉趾成矩。亦曰敬而已矣。是故德愈盛。業愈大。夫
敬者。不惟堯舜禹湯文武周公孔子為爾而已。天地
之大。亦是敬而已耳。故程明道有曰。天地設位。而易
行其其中。只是敬。天地斯位焉。萬物斯育焉。堯舜禹

湯文武周公孔子。古之大聖人也。堯舜禹湯文武周
公孔子。皆至誠至敬。能與天地相似矣。皋陶稷契伊
傅呂尚。暨顏曾閔冉子思孟軻。皆是大賢亞聖之資。
而能居敬思誠。亦是聖人惟肖。故士能敬為賢為聖。
可以與天地參。而無愧於所生矣。苟不居敬。道何由
凝。誠何由立。百事何緣成。焚討而已矣。幽厲而已矣。
可不懼哉。可不思哉。由是而思。則非特居敬思誠。
又必云。敬者。主一無間。而思者。主一善無惡。此其
大義。而人自去之。故曰。古之學者。必先其大者。而
後其小者。此其所以為聖賢也。

此非原思也。凡思者。必先其大者。而後其小者。此其所以為聖賢也。

今夫人身有四肢百體。豈無其職耶。目司視。耳司聽。
心之官乃思焉。猶耳目之官也。心帥也。四肢百體猶
卒徒也。故心無所不統。則思無所不該。思則百事舉。
不思則百事廢。是故心以善思為供其職。不思乃廢
其職也。苟心廢其職。豈徒不思而已哉。耳目無所聽
命焉。則其於物即不能應。乃物引之而已。不唯耳目
為爾。至四肢百體亦然。然則心一日廢其職可乎。故
卒徒有罪。將帥不得辭其責也。百體有違。心不得辭
其責也。是以有九思之目焉。視不思明其罪也。聽不

思聰其罪也。色不思溫其罪也。貌不思恭其罪也。言不思忠其罪也。事不思敬其罪也。疑不思問其罪也。忿不思難其罪也。見得不思義其罪也。今有一於此。孰謂能供其職乎。故君子無時不思。是以臨祭則思敬。臨喪則思哀。不寧唯是。人之所以進於聖人。全在於學。而學原於思。書曰。思曰睿。睿作聖。是故思則知明。行敦。日進入於聖域。不思則知罔行。偷日退陷於狂界。唯聖也不思而得。不勉而中。目應耳順。從心所欲。而不踰矩也。雖然。惟聖罔念作狂。惟狂克念作聖。況非聖人者。庸可不思乎。蓋為學之道。在乎博學審

問。慎思明辨。篤行五者。而慎思常貫是四者。是故志聖人之學者。不可以不思也。今夫事之難解。思之不已。有神通之然。思之之道。無叙矣。得必自近而推而已。是亦聖人之教也。然聖人謂終夜不寢以思。無益而不如學何也。雖是思為其職。豈徒思之謂也哉。然則思之道如何。曰。思誠。夫既用力於思。心至於無邪。則誠也。學之用盡焉。思之功極焉。詩云。思無邪。此之謂也。

維仁維義
以敬上
以樂外
君子報之
是謂德也

夫銘者所以名物而自警也是以古昔聖人於器用
服玩莫不銘以戒矢况其下者哉豈可已乎且大刀
者生殺在手運用一失禍福立分最不可不以戒也
故銘銘曰
明者佩之 作治作德 愚者佩之 乃亂乃賊
出入惟時 用捨斯得 其二

刀銘二首并序 丙辰

維仁維義 為綱為紀 殺之不嗜 是謂神武
以敵王愾 以禦外侮 君子服之 邦本斯固

魯仲連論

丙辰

士之能輕世肆志。非苟可為也。爾則誰能之。蓋身藏義與節者。斯能之矣。夫士之藏義與節者。雖身為匹夫。而權重於當時。烈赫於後世。是豈苟可為者乎哉。夫士既藏義與節。是以見人之急而救之。見人之患而排之。兵刃冒身而不怯。水火薄身而不避也。然意之所不屑。乃以好爵為羅。張之於前而不縻。以厚祿為餌。投之於口而不鈞。寧高蹈遠逸。朽腐於山林海島之中。而不復顧焉。是以夫知此是其出處盡合乎聖人之權與否。雖吾不能必之。亦非貪利祿耽宴樂者之所用也。

吾以是徧求其人。當戰國之時。獨魯仲連有焉。蓋魯仲連之為人。以義為權。節為介。故其處世也。排急難。輕爵富。而為名高。固與蘇張挾勢權。厚射利之徒。不同也。昔者新垣衍因平原君以說趙王。尊秦為帝。當時天下無有知帝秦之非而斥之者矣。而仲連乃悠悠談笑。殆若無涯涘。而必有津處乎。能釋趙王難解之惑於一言之下。而挫強秦難制之勢於千里之外。炳為揭大義於天下後世。如日中天。其權豈特低昂乎一時而已哉。平原君雖賢公子。新垣衍雖奇士。豈能及也哉。蓋春秋之法。有禮義而中國焉。無禮

義而夷狄焉。夫秦者。棄禮義之國也。使其為帝而為政於天下乎。銷中國禮義之俗。而成夷狄被髮之風矣。夫如此天下。安有乎寧其危矣哉。其後秦一四海而為帝也。焚書坑儒。先王大經大法。皆已滅盡矣。秦亦從之。當此之時。復無魯連亦無有一人知其非而斥之者矣。鄉當新垣衍因平原君說趙王帝秦之時。若無魯仲連。不俟呂政移戎俗銷禮義。而其速滅也。必矣。幸有魯仲連。悠悠談笑而能為天下後世救急排難。而不遑速滅也。亦幸矣。其功亦不誠偉矣乎。降至後世。無復有能知大義如魯連者也。帝篡魏

而不知存之。又從臣僕焉。自臣僕焉而不足。欲率天下之人而臣僕之。不亦惑之甚乎。夫冠履之倒置莫甚焉。而人莫知之救者。吁噫。信無魯連子哉。若使魯連子出于斯時耶。則義之權本重矣。能為天下救之。使又不能救耶。節之介亦高矣。必能蹈東海而遠去也。亦必不受臣魏之辱矣。又能使大義淪胥乎。篡魏之士。何貪利祿而輕名節。長受賊臣汙辱之名也。哀夫。今以是歷觀古今。曠世無魯連子矣。則魯連子不特當時之士耳。實古今之士也哉。

與志村先生論性論書

丙辰

某以四月託書於東華君。竊計已獲聞聽矣。今復奉書左右。乞賜一覽。準嘗讀程子性論。始全然不疑。再而不能無疑。頃復讀之。似無可疑者。然鄙意猶未為安。敢陳鄙見。以乞質正。於左右。其所謂人生而靜。以上不可說。由朱解觀之。似指性而言。而朱子語類所載。乃多為理者。其為性者。則朱子一及之人。孰捨其多而取其少。乃不可為性者。固也。然此解即朱子所手定語類。則問者非一人。記者非一手。少出入或有之。故以為從他人所錄。不若從所手定之為愈也。是

以始全然不疑也及再讀之竊謂朱子註解或有中
晚之不同此解或中年所定晚年不及改而語類所
載乃晚年定說亦未可知也然則不可執一說論固
也此所以再而不能無疑也然由今觀之此解與語
類皆未始不是也但讀者拘泥不曉是以異說紛起
遂使文意不明矣如準意解所云性則性而已矣二
句解凡謂性者云云以下請舉語類徵之語類曰凡
人說性只是說繼之者善也者言性不可形容而善
言性者不過就其發見之端而言之而性之理曰可
默識矣如孟子言性善與四端是也由此觀之其意

乃了然或疑以朱子註解如此明備何故獨於人生
而靜以上不可說不做一二語以解之是不難知人
生而靜以上未有形氣形氣未有唯可說理不得說
性是其為義易明不須註脚故朱子不做剩語以解
之但釋凡人謂性者以下足矣果爾則此解既明而
語類從定矣故曰無可疑若夫紛紛為說者不考朱
子此說之謬也鄙見如此乞賜詳諭時涵雨冥更
乞為道保護準頓首再拜

送柳仲負序
丙辰
余已知師友之不可闕而未知師友之有不得不闕之時也。慮善師友之難得而未慮善師友之有不得不難得之理也。自其不可闕觀之。未見其有不得不闕之時也。見其有不得不闕之時。而後知其不可闕乃其常。而其有不得不闕非其常矣。自其難得觀之。未見其有不必難得之理。見其有不必難得之理。而後知其難得不可為常。而其有不必難得可為常矣。己酉冬。家兄還自江都。詩賦文章。得於先生長者者。所贈者。蓋數十篇。余盡讀之。及至柳井仲負大島無害

送柳仲負序

丙辰

余已知師友之不可闕而未知師友之有不得不闕之時也。慮善師友之難得而未慮善師友之有不得不難得之理也。自其不可闕觀之。未見其有不得不闕之時也。見其有不得不闕之時。而後知其不可闕乃其常。而其有不得不闕非其常矣。自其難得觀之。未見其有不必難得之理。見其有不必難得之理。而後知其難得不可為常。而其有不必難得可為常矣。己酉冬。家兄還自江都。詩賦文章。得於先生長者者。所贈者。蓋數十篇。余盡讀之。及至柳井仲負大島無害

二君所作之文有會於心不覺抵掌曰我得斯人為友吾之願足焉。諮之而後知二君皆家兄親友而學舍巨擘也。自是之後常以不得二君與游為恨。越明年余來得入學而謁故祭酒林子則聞二君儼然猶在學。初我望二君於眾中心竊求之朴茂目仲貞剛方無害果得二君。既而尾藤二洲先生舉於南海而為教官先生之學之德固世所景慕也。於是我進則請教先生退則與二君討論之。夫進無請教學無統紀退無討論之不得之心故既聞又論或當有疑義先論而後質余於是似日有所得者。初余求師友數

年而後得之可謂得所難得也。師友之不可闕也如此。厥明年無害辭學而歸獨與仲貞游者又四年矣。今茲季夏仲貞有君命又將去還久留里無害之歸既不得不為恨而仲貞猶在。今仲貞而去自今而後已請教誰與講之疑義誰與論之其所以為恨豈復前之比哉。斯行也仲貞亦如色憂余乃謂曰子所以為憂者吾識之子若憂之盍亦尚論古人若能尚論古人師聖人而友群賢全在斯師聖人焉。憂聰明之不進友群賢焉憂行義之不勉子其考之六經語孟求之子史百家以取之良師友莫過焉。此何時而難

得之有矣。公明儀曰：文王我師也。周公豈欺我哉？孟子亦論尚友之道，正為是爾。仲貞曰：我亦思之久矣。余於是知師友有不得不闕之時，而善師友有不必難得焉。亦知其有不得不闕之非常，而其有不必難得之可為常焉。古者送人以言，雖仲貞不吾徵，猶將發之也。況於有徵乎？乃書斯言而贈之。同舍雁行送之江之滸。

丙辰

大塚遜退公祠
加賀大島維直墓
久留里柳井實
肥後松崎瑤璋
阿波佐藤通泰
同州井川錫
手安西澤煥
薩州北鄉
讚岐本木
讚岐高尾
讚岐澤元

學舍記

甲寅六月後學中後備成

之不敏

寬政三年辛亥夏四月，予負笈求師，遠來江都。介昌平學啓事，平井業可大，以五月十八日執費於祭酒林子之門。二十日，昇白川廣瀨政典以寧尾張山口大椿士春同入學。列生員是時，文運漸盛，學者雲集，宿舍不能容。三人同居，鄉食應所，即釋奠，鄉食執事之所也。既而生徒有去者，以寧乃以次徙其舍。其後臨釋奠之期至，余移寓以寧舍。士春亦徙，而有去者，余乃代居其舍。始掃一室而居，是秋改作學宮，而以學舍已盈。先成學舍，次及學館。以故生員徙鄉食應所，是歲十一月告成。本月二十三日，遷新學舍。余居南舍第五房。明年秋，學館亦成。是歲九月七日，余為書記。徙西舍，書記西寮。厥明年四月，簡順先生逝。七月十三日，轉假掌計。徙南舍本寮。是秋述齋

鹿野省

先生嗣而都國學九月十八日學規初出於是更諸司舊名
啓事曰員長司警曰司監仰高門讀師及司讀師通謂符
之曰司講掌計曰司計司書曰司籍書記曰司記司客
司賓掌漏曰司漏而廢漏刻生新置司儀司器二職司
監以下謂之十司余乃就司計真明年甲寅三月二十七日
歸省六月十七日歸學十二月二十一日余以小學試明年乙
卯以二月歲小學書及四書史記文章八年丙辰春試書及
資治通鑑綱目文章五月二十八日遷假司監休學堂七月六日就真
徙南舍第一房

司講

學舍記 丙辰

卷之六

高氏易七轉圖說考後論

兩辰

或有為高氏七轉說解者其說之巧如可悅然審考其說則高氏之意恐不如是也其解合八出以八卦番轉而合之以表出八方之義此蓋依朱子為說巧則巧矣然其下有以畫八卦四字以承之則似只為合八卦方疊成六畫卦也而說者但引新唐書而始不知高說於合八出之下本有此四字故其說偶謬耳然其謬遂致為大體離小體離等說則全依朱子為說而非為王易者所能知也以是解之謬之甚矣且強牽此說以論上下經次序則適足以為笑國耳

又何足以深辨哉。夫高定為王弼者也。王弼之註易也。雜以老莊夫義。其易而老莊其說。果為知易者耶。朱子則宗邵子。而邵子之於易。實繼千載不傳之學。而有功於易道。不可勝言也。蓋大易之學。經四聖而後大備。然有伏羲之易。有文王周公之易。有孔子之易。不可執一而論也。朱子有見於此。故易之註解。莫善乎朱子之說矣。今欲解高易。而依朱說。非唯不識高氏。併朱子不知也。蓋大易圖象之隱也久矣。然據高說作圖。則全與伏羲先天圖相符矣。雖其說固非伏羲畫卦作圖之本旨。而唐時猶有不為道家爐

鼎之說所亂如此者。邵氏之傳易象也。其有所受於是。亦可見矣。然則學者於高易。亦不可以不考也。今且據高說。別推其義。為說如此。庶乎或得其意矣。亦庶幾乎或考易象之一助云爾。

也雖以元注人義其意亦未始不與
 耶朱子則宗邵子知邵子之難易實
 字而有所指易道不與焉也蓋大易之
 理極大極微然有以象之易者又非周
 之易不可觀一而論之朱子謂其此故
 易之辭不可觀一而論之朱子謂其此
 且謂其辭雖難其意則易也蓋其意亦
 與朱子同是也然邵子之易與朱子之
 易其理雖同其辭則異矣邵子之易

跋高氏易七轉圖考

丙辰八月既望

蓋聞唐高氏嘗著易七轉說今得李肇國史補閱之
 斯得其詳矣於是參互稽徵作圖如此雖未見其用
 處而易象之必有所受於是亦可見矣然程子嘗言大玄竟
 不濟事朱子於方氏九轉圖亦云今此七轉即大玄
 九轉之流而不專心致思則不能得也乃不得罪於
 程子朱子者幾希亦可以知所戒云

也。三子所命言各不同。然其為性則一也。或曰中之為性象聞命矣。或聖庸不同不知云何。曰是不難辨。聖人從容全其中象。無復可道。惟衆人則雖當靜時。妄念起而侵未幾。其靜或不保。故失中象為常多矣。但以為聖庸之異。如其得中時。聖庸性象固不異也。是以君子常要保其中。故貴窮理而大居敬。此自與

說鵠

廣瀨以寧有是作
余亦效鵠○丙辰

近衛帝時。怪鳥鳴虛空。聲聞禁中。源賴政奉
敕射之。應弦而斃。視之。怪獸也。名曰鵠。本
鳥名。非獸。今借用鵠字。

鵠之為形也。獮其首。蛇其尾。虎身與足。而曠世所無。
有一見於中古。誠不亦怪獸矣乎。然其呼獮首蛇尾。
虎身與足者曰鵠。是亦鵠已。奚怪如形。其鵠而不鵠。
其心。是怪之又怪。誠大怪已。然以其怪怪鳥。又無足。
怪者焉。今其首象天者人也。其腹象地者人也。其性。
象五行者人也。於此有人形貌七竅。氣息聲音。惟

徐而察之。形音與心不類。怪孰甚焉。其友為規之。則
其人忿曰。汝何曾比我獸爾。吁貌之與心。輕重何如。
其如不問其心。徒以貌與人。世固有河目龜背。其能
知而與之哉。鵠人皆知其為怪。至於人不聖人出。莫
定其怪不怪矣。

射說 丁巳

古禮之有射。所以觀德擇人也。蓋人非皆成德者。何
可不去取。乃去取而不以其道。其為德也終無觀矣。
故射者進退周旋。必中禮內志。正外體。直是可以觀
德行矣。夫人之所以為貴者。以有德也。故取人必以
德焉。其觀德乃所以擇人也。然人之於才也。或有不
可以常語者。如羿之於射是也。羿之於射。其長若彼。
其不肖亦若彼。即使彼與射乎。則誰知其不肖而斥
之耶。朱子曰。凡與射者。皆賢者。然則古之與射者。必
先有選焉。而後可以與也。猶卜筮之先蔽志而後決。

事也故君子之於射以此習禮樂斯可以觀德行矣
豈復裸股肱決射御之謂哉嗟乎射禮之不傳也久
矣當今之世欲以是而觀德行其亦難矣哉
下以爲言者曰此二詩惟是也豈不其然乎
謝詩矣夫八之河以爲言者以言此詩
始據言重豈固與必中詩內志五言
不不去頭八去頭而不以其直其直
古詩之有惟也以此詩詩人非習者
惟

讀公孫弘傳 丁巳

班固嘗稱西漢名臣曰儒雅則董仲舒公孫弘余觀
弘之為人初以恢奇多聞能動武帝之聞焉未幾致位
丞相以逞其變詐矣此特曲學阿世之流耳豈足稱
以儒雅哉弘苟能反其所聞而履之其名與實必可
與仲舒班而又不失爲漢良臣亦何蒙巧佞汙辱之
名哉弘之不能復其所聞是弘之所以終乎爲弘也
歟

丁巳

心爲太極邵子語程子
曰在天爲命在物爲理在

性情者陰陽之分也未發而中

靜而體也發而中節動而用也五臟者五行之府而
其理則謂之五常魂魄者鬼神之會也作止語默動
靜之事也死生則晝夜之道也無所適而不合也蓋
天人同一體萬物同一根故萬物皆備於我而一以
貫之而衆妙出焉萬化行焉天地由是位焉萬物由

獨係先生手定矣。然其作主祖先而略於己。則先生之言行。不信而詳者。將於何乎取證也。余是以恒悼先生之行事。又將泯滅而迄於無傳也。乃敢不自料。一以家譜為據。又雜取諸書所記之近實者。考其本末。以著於篇。其歲月不可考者。別為遺事。以附其後。因註其所從得。以見其非妄作矣。嗚乎。以先生造道之深。與其制行之高。歿僅百餘年。既不能得其詳。況更加久遠。其詳庸可得乎。然則此編實有不得已為者。若夫先生教人為學之方。則先生所編著具在焉。固不待後人之贅述也。後之學先生者。讀先生所編著之書。以知為學

之方。然後參之此編。以考先生行事之實。則於先生之道。庶乎其可得矣。

七夕詩卷序丁巳

今茲秋孟七日。余向夕釋卷。偶然起步。驚時景之易移。而悲歎志業之未成。不以不慨然也。乃見安川公綽謀曰。去年今夜同舍諸子來會余室者。今幾時耳。皆相繼而去。無幾留者。唯我與子數人猶在茲。今而不會。不獨仁人君子難得易失而已。一旦散去。再思把袂言笑於一堂之上。亦已難矣。願使舊盟不寒。如何。公綽曰。善。於是邀諸子。諸子會者若干人。啜茗。哺蔬果。詩賦譚論。擅其所長。各極妙趣。如公綽之於文。固我所畏也。石上子行之經術。杉山子方之博覽。

吾亦敬而愛焉。其他卓犖瑰瑋非常之士。皆來聚於一室。何樂如之。因竊謂余常得與諸子周旋上下如此。則其志業若宜有賴以成也。而余遊國庠。俯仰七年。尚猶面目如舊。是則可慨也。況聚散無常。則次將及吾矣。是會亦不可常得也。又思既去而還。草萊無師友相最。則其一言半章。猶足以慰思慕而厲志節。況於舉其全篇而誦之乎。又況志之所尚。未嘗不由于心。而意之所存。亦必見於其文字也。小焉飲食語言。大焉出處進退窮亨得失。求之其文。皆可見焉。而不可掩也。其可不寶而藏之乎。於是又與公綽謀。集

荷美堂

錄其詩。得若干篇。余竊喜曰。以供異日展玩懷舊。幾乎此。師友言貌。宛然自睫。之末公綽亦聞之。悵然久之。丁巳七夕。與東大觀準序。

常雜木可知矣。其面題擘窠書一虛字。竟板濶。其左
方識程時宜書四小字。大者填青。而小者皆朱。筆勢
頗健。蓋時宜明萬曆中人。余嘗得其書模本數十字。
此似取於其中而彫者焉。所謂長柄橋者。孝德帝朝
所駕也。後多歷年所而朽敗。世莫知其所者。一千餘
年而得見。此謂之真無可徵。謂之不真亦無可徵。或
曰。前鄉民因浚川。獲柱板於土中。而始得識其所云。
凡物之顯晦。似亦有數存焉。今此柱與板。歷衰亂世。
百年深藏自晦。方太平盛明之日。相繼而出焉。有似
乎君子之出處以時矣。亦謂之盛時之休瑞可也。今

徵以此理。謂之真物矣。不可謂之証也。書以示公綽。公
綽不可否。遂質諸先生。是日寬政丁丑。李冬念言也。大槻準記。

OL 181
NO 25
Vol 12

幹

文

蘇

二

二

送平

己未

庚申

辛酉

丙辰